



Broj/Број: 04/4-05-147/07  
Sarajevo/Сарајево, 10.7.2007.

**IZVJEŠTAJ  
SA 6. ZASJEDANJA SLAVENSKOG PARLAMENTARNOG SAVEZA  
MINSK, 29.6.2007. - 3.7.2007.**

U Minsku je, od 29.6. do 3.7.2007., održano 6. zasjedanje Slavenkog parlamentarnog saveza u čijem su radu učestvovali: Lazar Prodanović, poslanik u Predstavničkom domu, Sadik Bahtić, poslanik u Predstavničkom domu, Velimir Jukić, poslanik u Predstavničkom domu, Jelena Rajaković iz Sektora za međunarodne odnose i protokol PSBiH.

Parlamentarna skupština BiH prvi put učestvovala je u radu tog tijela koje čine: Republika Bjelorusija, Bosna i Hercegovina, Republika Makedonija, Republika Poljska, Ruska Federacija, Republika Srbija, Slovačka Republika, Republika Slovenija, Ukrajina, Republika Hrvatska, Republika Crna Gora, Češka Republika.

Kao osnovni ciljevi rada Slavenkog parlamentarnog saveza (SPS) navedeni su razvoj ekonomske, kulturne i političke saradnje između država članica, te međusobna liberalizacija viznog režima. Naglašena je i potreba veće razmjene i saradnje u oblasti nauke i obrazovanja, privrede i poljoprivrede, te izgradnja kulturno-prosvjetnih i informacionih institucija slavenskog karaktera.

Učesnici su se saglasili da jedan od prioriteta SPS-a bude razvoj asocijacija čiji bi cilj bila saradnja slavenskih zemalja na svim nivoima.

Na zasjedanju su razmatrani Statut i Poslovnik Saveza, te Nacrt zakona o razvoju turizma u slavenskim zemljama.

Dogovoreno je da radni jezik sesija SPS-a bude ruski, a da se jedan dan tokom svakog zasjedanja organizira upoznavanje učesnika sa zemljom u kojoj borave.

Na molbu delegacije iz Bugarske učesnici skupa poslali su pismo predsjedniku Velike Arapske Socijalističke Libijske Džamahirije Moameru Gadafiju u kojem mole za pomilovanje pet bugarskih medicinskih sestara i palestinskog ljekara koji su osuđeni na smrt zbog navodno namjernog inficiranja pacijenata u Libiji HIV virusom.

Članovi delegacije PSBiH izrazili su zadovoljstvo zbog prvog učestvovanja Bosne i Hercegovine na zasjedanju SPS-a i ukazali na interes BiH da bude član tog tijela. Oni su ukazali na zainteresiranost naše zemlje za saradnju sa slavenskim zemljama u oblasti privrede, kulture i turizma.

Tokom boravka u Minsku delegacija PSBiH posjetila je Skupštinu Bjelorusije i sastala se s bjeloruskim parlamentarcima: Sergejem Ivanovičem Kostjanom, zamjenikom predsjednika Komisije za međunarodnu saradnju, Ivanom Mikolajevičem Mičkom, zamjenikom predsjednika Komisije za novčano-kreditnu politiku i bankarske djelatnosti, Ljudmilom Leonovnom Žukovskom, članom Komisije za industriju i energetski sektor, i Aleksandrom Viktorovičem Šatkom, članom Komisije za obrazovanje, kulturu i naučno-tehnološki napredak.

Tom prilikom sagovornici su se upoznali s prilikama u ove dvije zemlje i razgovarali o mogućnosti ekonomske i kulturne saradnje.

Izražen je interes obje delegacije za daljnjom saradnjom parlamenata Bosne i Hercegovine i Bjelorusije, te za formiranjem grupa prijateljstva.

Izveštaj pripremila:  
Jelena Rajaković

Dostaviti:

- Kolegiju Predstavničkog doma PSBiH
- Kolegiju Doma naroda PSBiH

Kopija: Ministarstvo vanjskih poslova BiH